

正法華經卷第九

西晉三藏竺法護譯

木九

歎法師品第十九

爾時世尊告常應時菩薩大士若族姓子於姓女受是經典持讀書寫當得十眼功德之本末本八百名稱千二百耳根千二百鼻根千二百舌根千二百身行千二百意淨是爲無數百千品德則能嚴淨六根功祚彼人若令眼根清淨而以肉眼覩諸所有滿三千大千世界諸味石蜜叢樹下至無可大地獄中上至

三十三天一切普見悉能攝取故曰肉眼若有衆庶生其中者皆悉見之感曉了知罪福所趣於時世尊而歎頌曰

其持此經卷勇猛處衆會所說不怯弱且聽斯名德八百諸名稱清淨目明朗而從父母生觀諸佛世界普見超神仙諸山須彌山又覩于鐵圍并諸陵丘阜而復察大海默證住一處普瞻靡不達下至無可獄肉眼爲若斯尚未獲天眼

亦不覩了知 肉眼之境界 根且覺輕便
佛復告常應時菩薩若族姓子族姓女說是
經典若爲異類聲聞乘說者則便逮得千二
百耳名稱聞三千大千世界周匝下至無可
大地獄上至三十三天超外神仙所謂聞者
象聲馬聲牛聲妓樂聲車聲帝哭聲愁歎聲
鼓聲鍾聲歌舞聲戲笑聲男聲女聲幼童
聲童女聲風聲奇妙聲正法聲非法聲樂聲

苦聲力聲志性聲柔聲羸聲天聲龍聲鬼神
捷沓和阿須倫迦留羅真陀羅摩休勒聲火

聲水聲地中聲比丘聲聲聞聲菩薩聲如來
聲三千大千世界所有音聲內外通徹一切
清淨以肉耳根悉聞衆生所說音聲尚未得
天耳而悉普聞曉了萌類諸聲亦不思惟觀
察黎庶本末所由又耳悉聞亦不求索一切
音聲又而順聞巍巍如是常應時菩薩大士
未九 未得天耳而耳所聽乃如斯也佛說此已欲
重解義從後頌曰

鮮潔總攝若干品類 清淨之耳 千有二百
於是世界 以是聽省聞其音聲無有遺餘

有六情者 則而聽聞 車牛諸乘 象馬音聲
拍手擊鼓 悲好音樂 銚鉸捎拂 亦復如是
妓樂柔和 其音殊好 雖在於彼 無所染著
聞無數人 諸可講說 彼人等倫 所當分別
皆聞諸天 天耳所聽 常而降伏 甘美柔和
男子女人 諸啼哭聲 童男童女 所可作爲
哀鶯之音 及赤嘴鴟 鳩鵠鴟鳩 及與鸚鵡
其有棲跱 於山林者 悉得聽聞 斯類音聲
地獄之中 勸苦毒痛 悲哀嗟呼 所酷苦響
忽想飯食 所至求索 興作發起 所出音聲

諸阿須倫 居在於海 諸響暢逸 而各各異
於時法師 停住於此 有語言者 尋時普開
畜生餓鬼 勞飢渴聲 各各講說 或鳴或吼
彼時法師 默如立斯 則得聽聞 若千音聲
其梵天上 所居諸天 光音天上 善究竟天
本九及餘奇特 各各異聲 法師普得悉聞此響
在安住世 而出捨家 諸比丘衆 誣謗所行
分別現說 他人志性 法師悉聞 是等說經
諸菩薩衆 處斯境界 所可詛誦 爲他人說
可集結義 以爲經典 悉得普聞 若干種音

其佛世尊爲人御法而爲衆生說無數經
獨在樹下悉得聽聞因其菩薩能持是經
一切三千是佛國土無數衆生音聲暢逸
若在室中或復處外所言纏細悉普聆採
悉聞一切群萌音響於諸音聲亦無所著
處處悉知他人表裏其耳清淨聽徹如是
斯人尚未得天耳光適覩因緣尋能即聽
於時法師功德如是學斯經卷名稱若茲
佛復告常應時菩薩若族姓子族姓女有持
是經卷分別說者若復諷誦書著竹帛得八

百鼻功德諸根堅固鼻根清淨以是鼻根三
千大千世界所有諸香皆得普聞華香柔軟
香須曼香生香傳飾鬚香思夷華香青蓮紅
蓮黃蓮白蓮若干樹木菓實熏陸香蘇合香
華香栴檀香木樞香青木樞香種種衆香首
千殊品處處生者諸質朴香人所艱香男子
女人童男童女香皆自聞服已身之香象馬
六畜飛禽走獸香諸樹木香諸樹木間含血
品類香諸妖魅香至誠香天上香比陀美香
畫度樹香意香大意香柔軟香大柔軟香諸

天香天宮香帝釋身香知所生處於講堂上
鼓樂弦歌所當修設諸天法則爲忉利天諸

天說法從地涌出自然生者歌戲利義天王
女香童男女香以是因緣假生梵天諸天子
等諸大天人大梵身香其香各各從身流出
本末
諸天雜香無數百千其名各異聲聞緣覺菩
薩大士如來遊居所開化香其法師者於此
間住所去殊遠不到其前亦不近邊不往就
艱悉聞彼香不愛不求亦不思念亦不筆香
而艱知氣以一心住在於衆會悉分別說如

是諸香心亦不著無所慕求於時世尊而歎
頌曰

其人鼻根清淨如是若干種香所聞甚多
於是世界一切所有諸所可生香香甚好
又有諸形華植之香栴檀諸香種種異品
其諸華實各各異類微妙好熏衆木欝香
男子女人童子女類其心頓處各各異品
人間所生諸香參差在在滋殖青蒼難遲
又知大國轉輪聖王所據乘仁自由力強
於彼所有羅綻等名衆衆異香皆分別之

財物珍寶若干甚多藏去著之於何所地有玉女寶及餘珍異時彼菩薩悉曉了香是等體著所有瓔珞珠環莊嚴衣服端正或時在座若寢牀卧以香塗身菩薩悉知歌戲娛樂一切神足明喆智者鼻力悉聞若有奉持此經善訓以快妙香及麻油香若干種類及華寶香所在安住又臭悉知其於某處有此衆香悉能分別若干種者而於山巖中間所有無央數種梅檀華香又復人民諸所有香居止于彼一切了知

若轉輪王所可愛喜或有潛處在于海中若於地穴所生蟲蛾明者皆練此輩衆香知阿須倫妃后子女并及臣民皆分別識阿須倫王歌舞戲笑其鼻悉艷如是果報若於曠野四徼道中多有師子虎狼龍象水牛眷屬諸所種類特牛犛牛悉能知之若有女人隨其喜樂假使童子及童女衆有若懷軀身體疲極以香分別腹中男女復自知識身所從來又亦曉了義法科律探覩其人安隱苦樂童男力勢福應所獲

男女所願衆多悉知而覩艱別諸所願香已自可意如是無盡又復艱別身寂然者其自處在地中諸藏財物珍寶金銀雜色柔軟珊瑚形如紫金所止頓處悉艱知之諸貫瓔珞明月珠寶世間載有人所不及用鼻悉艱知其好醜行來進止別其善惡諸天在上虛空之中意華諸華柔軟音華衆會之中所有諸華以鼻勢力住此悉聞其諸天人所有宮殿上妙下極及中間宮種種之品如斯色像於此住立鼻力艱之

又復分別遊觀之園諸天之法衆明寂然亦復曉了尊妙宮殿諸天子等所遊戲處於是建立悉艱天香以香分別諸天子黨住於何法興何等行所在遊居悉聞其香諸天玉女所畜華巢諸寶瓔珞周旋娛樂於時菩薩悉識其香三十三天六至第一天諸天大梵所遊宮殿彼以鼻艱悉能知之住已不住皆能曉了諸所遠近無不開達終沒若生前世宿命以鼻艱之知斯本末真有菩薩持是經卷若有比丘順安住教

常修精進 靜住經行 若以至誠 誣誦解說
其彼菩薩 皆悉知之 亦別聲聞 最勝之子
常在樹下 一身獨處 其明祐者 承臭悉觀
有某比丘 處於某處 悉能分別 所在之處
其有菩薩 意堅禪定 常自娛樂 諷誦講說
復爲他人 講演解法 於時菩薩 以香覺了
安住大人 遊所在方 慇哀行慈 分別說法
在其中坐 弟子圍繞 以香識了 法王所在
假使衆生 得聞經法 以得稟受 心懷踊躍
時菩薩住 於此悉見 安住衆會 一切所在

菩薩力勢 如是色像 尚未逮得 天人之鼻
自然得是 本之瑞應 諸天之鼻 無有諸漏
佛復告族姓子 其有持是經典讀說書寫當
獲奇異舌根千二百功德舌根具足 分別諸
味若得甘美變爲天上自然飲食設服酢澁
鹹苦化成天饌滋味無量若入衆會講授法
要蒸庶欣載欽仰典則若入諍怒德音柔軟
本光
談義辯慧清白知節慈愍通徹衆人歡和感
味餘響其從聞經言論美妙天人往造釋梵
四王清淨天身諸天玉女恩悅徧見天子龍

神龍神妃后阿須倫阿須倫妃后迦留羅迦
留羅妃后真陀羅真陀羅妃后摩休勒摩休
勒妃后捷沓和捷沓和妃后闊叉鬼神婦女

比耶反足鬼神婦女悉欲往覲稽首作禮聽
受經戒問訊義歸比丘比丘尼清信士清信
女國王太子大臣群僚大力豪勢轉輪聖帝
尊重巍巍七寶具足太子眷屬玉女采女又
異梵志君子居士州城郡國縣邑營從悉欲
往觀思蓋形壽稽首歸命供養奉侍聽受經
法言誨和淑猶如世尊如來所歎而見思察

達佛明慧深妙之要曉了如此自然而聞又
知世尊所向方面坐說法時於是世尊而歎
頌曰

其人舌根則悉柔軟分別諸味簡練好醜
自然甘美如天飲食若干種味次第而至
音聲殊妙語言和雅聽受奇異意歡喜悅
在衆會者莫不欽敬又當演出深奧音響
其有聽聞所說經法觀察報應清淨億千
即生歡喜曉了尊上供奉經卷不可計量
諸天龍神蛟阿須倫常懷欽敬欲得見之

謙肅恭遜 諮受經典 其人名德 獲致如是
於是世界 發意之頃 皆以音聲 能徧告之
其響柔軟 微妙殊特 深邃儒雅 而有限節
本九
諸天豪尊 轉輪聖帝 欲得供養 普往至所
皇后玉女 悉俱叉手 而常元元 聽稟經典
諸所鬼神 善共宗重 天捷沓和 及諸營從
反足鬼鬼 及諸男子 普悉恭敬 皆造奉侍
自在尊豪 梵天之王 大神妙天 及諸天子
天帝梵尊 天子校黨 無數玉女 悉詣其所
世間有佛 聖明導師 聲聞弟子 悉聆妙響

見所在處 金然護人 察所講法 悉用欣然
佛復告族姓子菩薩大士若聞是經持讀書
寫者逮得身行八百功德肌色光澤勇猛草
餚猶如瑠璃淨妙無垢所當作爲人民欽效
容止可宗進退致益彼已無易三千大千世
界衆生稽首爲禮普佛國土群萌好醜鮮色
惡色生趣善惡鐵圍大鐵圍小山大山人所
居處下至無可大地獄中上至三十三天自
以威德普悉見之於此世界聲聞緣覺菩薩
如來所可遊居講說經法以已威光普皆觀

之所以者何身行清淨之所致也於時世尊而歎頌曰

被人已身所行清淨譬如瑠璃而無瑕玼爲一切人所見受敬其有持此微妙經卷猶如明鏡見其面像見世形類亦復如是目覩本末及見他人其身清淨如須彌山於斯世界所有衆生諸天人民蛟阿須倫地獄餓鬼及諸畜生悉見身體及面顏容諸天所有宮殿館室土山石山及諸鐵圍雪山須彌及諸太山悉得觀見其所在處

以大威聖瞻見諸佛一切聲聞及佛弟子若有菩薩獨在屏處所說經法悉能知之其身清淨亦復如是悉覩見于一切世間以俗之身覺了如茲斯人尚未獲成聖道佛復告族姓子菩薩大士如來滅度後若持

斯經諷誦解說得千二百意根清淨德真人則以清淨意根靡不貫暢聞一頌者所究彌廣多所達了以弘覺了便能一月講說經法四月一年綜練所歷憶念不忘凡俗所爲販賣賣作語言音聲以法皆覩次第分別不失

其緒三千大千世界諸六趣生皆知其心所念善惡如應不應中爲沙門聖非聖者普見不應意志清淨不復思惟自然分別說法義趣言皆至誠有至講者皆亦承說如來所詔一切割捨往古最勝經卷於時世尊而歎頌

曰

其人意根 清淨皎潔 光徹鮮明 見心所念猶是之故 晓若干品 瑕穢卑賤 好惡中間若聞一頌 能奉持者 解無央數 明誥義理 一月四月 若至一年 所說善惡 不違至誠

於斯世界 中間所包 若有群萌 種種品類 諸天人民 及阿須倫 伎神異類 及諸畜生 六道之中 所有黎元 是等思想 若干種念 持是經者 各各異意 一時之間 悉覩知之 諸佛大聖 百功德相 一切悉爲 世間說法 登時所講 木九 普得聽聞 所說清淨 即能受誦 前世更歷 所學經卷 長夜所講 當綜解之 有常所演 經典之要 得衆會中 無所畏憚 其有持經 部分光揚 卒未遭值 衆想之患 根黨群從 悉爲良賢 意根明達 亦復如是

菩薩所住 未曾有地 普爲衆生 分別說經
其能受持 安住正法 巧便憶宣 則知所應
常被輕慢品第二十

於是佛告得大勢菩薩是故當知其有比丘
比丘尼清信士清信女持斯經典假使四部
罵詈誹謗出麤穢辭呵制止之罪不可限設
復有人聞是經卷受持諷誦爲他人說廣解
其義獲上妙福如斯儕類佛所咨嗟眼耳鼻
口身意清淨而無蔽礙又告得大勢乃去往
古久遠世時不可稱限廣遠無量不可議劫

有佛號寂趣音王如來至真等正覺明行成
爲善逝世間解無上士道法御天人師爲佛
衆祐劫名離大財世界曰大柱佛語得大勢
寂趣音王如來普爲諸天自境界人講經化
導興聲聞乘演四聖諦度老病死使近泥洹
本九
解十二緣所由從起爲諸菩薩講六度無極
使至無上正真道現如來慧所行牽連佛壽
十一
四江河沙億百千垓劫佛滅度後正法住立
如一闍浮提億百千垓塵數劫其像法立如
四天下億百千垓塵數劫又語得大勢真佛

滅度後像法沒盡次復有佛續流寂趣音王
展轉相承二十億千如來至真等正覺明行
成為善逝世間解無上士道法御天人師時
此諸佛次第滅度正法沒已像法次盡彼世
比丘憍慢自大越背法詔有一比丘名曰常
被輕慢爲菩薩學何故名之常被輕慢其開
士見比丘比丘尼清信士清信女無謂之曰
正覺人所不欲非常之事而爲人說又語得
大勢若一比丘行值大雨蒙佛威神如被覆
諸賢無得憍慢自高所以者何諸賢志趣當
尚菩薩如來至真等正覺以是方便順所緣
義爲諸比丘講菩薩行不受所誨不肯諷誦

遙見四部仍謂之曰我身終不輕慢諸賢仁
普當學菩薩高行得至如來至真等正覺佛
語得大勢爾時四部得聞此言咸興恚怒毀
訾罵詈此一比丘不問吾等不見人心反自
貢高云見人心授我等決當成無上至真等
正覺人所不欲非常之事而爲人說又語得
大勢若一比丘行值大雨蒙佛威神如被覆
蓋身不漬溺雖見罵詈心不恚恨面色不變
若聞其言增不喜者以瓦石擲續逕舉聲而
教之曰勿行輕慢修忍辱心發菩薩意所以

者何爾時比丘比丘尼清信士清信女貢高
自大數數聞見大士教曰吾心常謙不輕諸
賢雖見罵辱心無增減彼等四輩因共名之
常被輕慢斯一大士臨欲壽終得聞寂趣音
本光
王如來講正法華經二十頌本深妙之義億
百千事大士臨終涌在虛空唱揚大音歎斯
經典而告之曰仁當受經亦當逮得如前淨
眼耳鼻口身意亦清淨已獲斯淨更即增益
二十億垓壽逮得定意復爲衆人講是經典
前時四部聞其所說而毀訾之名此大士爲

常被輕慢逮自大者見此大士微妙神力辯
才慧力善權道力皆來歸伏敬崇爲友聽聞
經法是輩等類餘不可計無數億人便立無
上正真道意時彼大士壽沒之後便值二
百千億如來正真此諸世尊皆爲講說正法
華經稍稍進前以是德本復更值見二十億
百千如來皆同一號號雷鳴音王皆從得聞
如斯經典復更值遇二十億百千如來皆復
同號名雷音王亦復從聞正法華經受持諷
誦爲四輩說在所生處常自然獲眼淨耳淨

鼻淨口淨身淨意淨視聽洞徹鼻通口辯身能輕舉意觀衆生心普爲四輩演斯經典分別其義佛語得大勢常被輕慢大士供養奉事若干億百千數如來已復更值無數億百千如來已復從受正法華經以是德本自致本九

十三

無上正真之道成最正覺得大勢菩薩欲知大士常被輕慢於寂趣音王如來之世爲四部人說經法者不乎則我身是假使爾時設不受是正法華經不持諷誦爲人說者不能疾遠無上正真道成且取正覺備從過去諸佛

世尊聞此經典受持諷誦廣爲人說致最正覺爾時比丘比丘尼清信士清信女其一大士爲說經言我行恭敬不輕諸賢仁等當達如來正覺道德之慧又諸四部輕彼大士罵言形笑不自改者二十億千劫所生之處常不值佛不聞經聲又萬劫中墮無可大地獄考掠燒炙痛不可言罪以畢竟從地獄出以彼大士教化之故今發無上正真道意皆得神通慧無量礙今悉現在佛語得太勢欲知爾時四部毀呰形笑恚罵大士者不今此會

中風陀和等五百菩薩師子月等五百比丘
比丘尼今在佛前五百清信士五百清信女
等皆不退轉當成無上正真之道佛告得大
勢此正法華經其義廣大威神無量一切元
慶諸菩薩大士所當欽尚如來滅後其受斯
經持諷誦讀得福如是逮成無上正真道於
是世尊而歎頌曰

今我識念往古過事 佛名寂趣音聲之王
威神無量 天人所敬 爲諸衆生 人民講法
其佛最勝 滅度之後 然其正法 最末世時

有一比丘爲菩薩行 因時號名 常被輕慢
即時往至於比丘衆 及比丘尼 所覩顛倒
但勸化之 志行佛道 自宣我心 不懷憍恣
罵詈輕毀 每見形笑 彼時常爲使聞此言
假使得聞此經法時 若復住立 設有所作
明時慧者 臨欲壽終 用分別說十四 此正法華
尋時報應 增益壽命 變現其身 而得自在
處在虛空 講說經典 教化一切 悉發道意
於時大士壽終沒後 逮見諸佛億百千垓
稍稍漸漸開化入法 爲分別說 於斯經卷

諸最勝子 得成爲佛 則我身是 能仁如來
其諸比丘 口喜誹謗 衆比丘尼 及清信士

彼時所有 諸清信女 彼蒙開化 開經解慧
常當覩見 無數億佛 則飈陀和五百人是
諸比丘衆 及比丘尼 清信士女 今現佛前
吾爾時悉令聞尊法 皆開化之 使得曉了
於今佛身 滅度之後 數數當受奉斯經卷

我滅度後 若有說此 頻數當忍 受正法華
如來神足行品第二十一

爾時于彼三千世界塵數億百千垓諸菩薩
等從地涌出者一切皆悉住世尊前僉然又
手白大聖曰如來滅後布露經典徧諸佛國

本九

十五

及世尊土滅度之處於彼所在講說斯經多
所益利若有受持此妙典要誦讀書寫爲人
說者德不可量於時溥首處於忍界諸菩薩
無數億百千垓受比丘比丘尼清信士清信
假使有佛億百千數常聞講說如是比經
是故以聞如是像與自在聖尊稱讚經典

女諸天龍神捷沓和阿須倫迦留羅真陀羅

摩休勒及人非人如來皆爲神足變化如來至真等正覺爲現瑞應悉得柔順法忍皆令書寫正法華經化異世界億百千數諸菩薩等各各坐于諸寶樹下師子座上爾時能仁世尊及此一切如來正覺現其神足具足充滿百千歲中有所興立應時百千歲中功德自然而大光明滅除陰雲彈指之頃自然有聲靡不通達十方佛國一切世界六反震動諸天龍神阿須倫迦留羅真陀羅摩休勒承佛威神各隨所住無央數千佛世界普懸觀

見斯忍佛土又諸如來十方無數億百千垓各各自坐諸寶樹下師子座上能仁如來多寶世尊於彼七寶廟寺講堂自然嚴淨師子之座威耀顯赫無數無限不可計會億百千垓菩薩大士及四部衆見斯變化心中愕然驚喜無量得未曾有則聞空中音聲而歌頌曰仁者欲知過是無限不可思議億百千垓諸佛世界有佛世界名曰忍土於彼有佛號能仁如來爲諸菩薩大士講正法華經方等典詔一切諸佛普護斯經用救菩薩大士以

故諸賢心當質直清淨稽首歸命勸讚奉侍
供養彼能仁正覺於時衆生聞虛空中自然
之音有佛世尊號曰能仁適聞名稱應時又
手以若干種華香衣服幢旛雜香舉手各各
散忍世界瓔珞珠璣諸貫真珠如意寶珠而
十六
供養之其華香幢蓋瓔珞珠璣明月寶珠自
然入於忍世界尋時合會爲寶華蓋在於虛
空悉覆諸佛及菩薩上彼時世尊告諸異行
及佛前住諸菩薩衆如來正覺功德威神不
可思議諸族姓子於無數億那術百千垓劫

說此經義不可究竟雖無央數若干種經所
不能及不可限盡欲度彼岸難得邊際諸族
姓子舉要言之假使有人欲了斯經要悉佛
威神普諸佛法諸世尊界諸佛精進諸佛閒
居諸佛妙力示現是經故族姓子佛滅度後
當以慇懃求此經典受持書寫精進奉行供
養承事爲他人說設使有人費此經行講讀
書寫思惟奉宣著於竹帛若在精舍齋堂室
宅大林樹下若在水邊當起塔廟所以者何
則爲如來所處之地觀是道場佛所坐樹則

當察之一切如來正覺所遊群聖世雄轉法輪處十方諸佛在中滅度等無差特於斯世尊而歎頌曰

世愍哀法不可思議而常建立神通之慧而復示現普等明目衆生一切悉得歡喜其舌神根暢音梵天演奮光明億百千垓諸群萌類覩見神足怪未曾有皆立大道又聖導師興一大光彈指之頃宣洪音聲即時普告一切佛土周徧十方諸佛世界如此變化及餘感動大聖所現瑞應如是

如來爾時皆令歡喜佛滅度後奉是經卷安住宣暢功德之法無央數劫不可思議持此經卷福祚之限導師咨嗟若干無量欲盡其限不得邊崖猶如虛空不可窮極名稱至德無能思惟持是經者淨德當然則爲見佛大聖導師及吾於世滅度大通及此一切諸菩薩衆并復覩此四部之會其有值遇斯經典者則爲遭見今日衆會佛滅度時亦復在此及彼十方諸佛世界其有能持此經卷者則爲觀觀諸過去佛

及於十方今現在佛目自面見供養奉侍
志當悅意向人中上在於道場所可思惟

當速受持於此經典自然辯才無所星礙
設本種命不能長者當分別曉於斯法義
便當受持於此尊經曉了諸經次第所歸
大聖世尊滅度之後假使有人至誠說者
分別此經義理所趣則講審諦諸經卷義
其人光明分別所覺譬如日月普照遠近
遊於天下在所至到勸化發起無數菩薩
是故智慧諸菩薩衆聞如是像經無等倫

我滅度後奉此經典其人不疑於佛大道
藥王菩薩品第二十二

於是宿華王菩薩前白佛言藥王菩薩以何
等故遊忍世界堪任無數勤苦之難善哉天
尊願爲十方諸佛世界菩薩聲聞雲集於斯
若有聞佛班宣藥王初發道心宿行功勲爲
十八令衆會及後來世普聞受持追學究竟天人
龍鬼諸尊神王僉皆悅豫發大道意自致正
覺度脫一切於時世尊見宿華王發心至誠
爲一切諸佛讚曰善哉善哉乃爲將來諸善

薩施勸進後學今入道智諦聽諦聽善思念之唯然世尊願樂欲聞佛言乃往過去江河沙劫爾時有佛號離垢日月光首如來至真等正覺出現於世其土壽命四萬二千歲教化衆生濟度危厄於時十方菩薩大會有八千億諸聲聞衆七十二江河沙等又其佛土而無女人三惡之趣阿須倫八難之患其地平正紺瑠璃色衆寶校成莊嚴清淨生衆寶樹周迴圍繞珍奇瓊瑤周匝覆蓋諸幢幡寶瓶香爐燒衆名香一切樹下設寶牀榻坐

具嚴飾不可稱載諸坐具上有百千億諸天坐之鼓諸音樂歌佛功德以爲供養於時其佛爲諸菩薩及聲聞衆分別講說正法華經時有菩薩名衆生喜見聞佛教演散解義要即奉佛法遵習苦行夙夜精進萬二千歲經行不坐竟萬二千歲即便逮得普現三昧逮是定已輒復思惟吾以逮是普現三昧便能致此正法華經因逮定意踊躍歡喜心自念言我當供養離垢日月光首如來至真奉正法華經即如其像三昧正受處在虛空而以

天華雜香栴檀用供養佛應時佛所雨衆華
雜香普熏十方諸佛世界其聞香者悉得法
忍衆生之類和心相向衆生喜見菩薩從定
意起重自思惟雖用雜物供養於佛不能暢
盡至真之德以身供養爾乃無上尋如所念
斷絕五穀專食衆香衆華香汁而以飲之日
使身中內外皆香如是服香竟十二年復和
衆香以塗其體香油潤衣而立誓願以爲身
燈爲一切故即然其身供養諸佛以精誠故
其光徧照八十江河沙諸佛世界應時諸佛

同聲讚曰善哉善哉族姓子精進乃爾世之
希有斯真供養如來經典乃爲衆生忍苦不
勞超踰天人一切所行國財妻子施所不及
供養之中爲尊爲上爲最爲長爲無儔匹以
身施者乃成法施諸佛世尊歎是德已則便
默然於時菩薩自然其身千二百歲火故不
滅用一心故無有苦患於是之後火燄乃息
勤修精進供養法故於是終沒還生其世更
復值見離垢日月光首如來至真之士生離
垢施國王宮內自然化生結跏趺坐而爲父

母說此頌曰

尊王識念我本行
所重愛身以用施
本九 堪立住此遠三昧
說此偈已啓其父母離垢日月光首如來至
真今故現在吾往昔時至心供養因是遠致

王讚其子曰善哉善哉當共俱往躬身當覲
供養聖尊說此言已與父王俱涌在空中去
地七仞經行虛空足不蹈地其身正坐七寶
交絡珍奇帳中徃詣佛所又手禮佛以頌讚
曰

了一切音總持法要是正法華無上經典學
中要者經卷本有八十垓百億那術垓偈當
一心思何所造作立佛像模而常心中而無
瞋怒此正法華菩薩所行吾本宿世習若干
千億百千垓偈從彼如來而聞受之離垢施

人中之尊顏姿離垢其光巍巍照於十方
吾本供養聖尊無極今復自親故來奉面
爾時衆生喜見菩薩大士說此偈已前白離
垢日月光首如來至真世尊垂恩愍哀十方
故復現在訓誨一切度脫衆生無不蒙賴時

離^{本九}指日月光首如來告衆生喜見菩薩今時已至吾欲滅度以此法教而相囑累佛因其時至所教周悉亂世欲到吾捨去矣爲佛施座今取滅度又告之曰以斯經典重相囑累普令流布等潤十方咸使一切皆蒙福慶衆生喜見則曰受教其佛夜半便取滅度於時菩薩衆生喜見見佛滅度以栴檀香奇異妙香聞維佛身取其舍利香汁洒之感慕哀泣淚下如雨修造寶瓶八萬四千立七寶塔高至梵天莊嚴幢蓋懸衆寶鈴心自念言吾已

供養世尊舍利當復更事超過於前告諸菩薩及大聲聞諸天龍神一切人民諸族姓子咸共思念世尊舍利普共供養於是佛告宿華王菩薩當爾世時衆生喜見菩薩勸率衆人供奉舍利八萬四千塔於塔寺前建立形像百福德相然無數燈燒香散華光顯道法供養奉事七萬二千歲供養訖竟在其衆會化無數千諸聲聞衆開諸菩薩皆令逮得普現三昧見衆菩薩逮立定已自現其身諸根缺漏諸菩薩衆及諸弟子天龍鬼神舉聲號

咷淚下如雨是族姓子衆生喜見菩薩大士
是我等師聞化我黨今現缺滅諸根不具是
故悲酸不能自勝於時衆生喜見謂諸菩薩
及大弟子諸天龍神吾建要誓至誠之願如
我所言隨順不虛我此手臂成紫金身令我
手臂平復如故地當大動於虛空中雨衆華
香所言適竟地即大動天雨衆華尋時手臂
平復如故衆生喜見欲度一切因示現此慧
力所行福德功勲勢力所致佛告宿華王菩
薩欲知爾時衆生喜見菩薩大士今藥王菩

薩是又族姓子菩薩勤苦不可稱計投身棄
命無有限量常建大乘志無上道興發大功
無極之德於如來前然一足指功德難喻況
然其身以爲供養勝施國土妻子血肉設以
珍寶滿佛世界布施供養諸佛聖衆福德雖
多不及於彼所以者何福報有盡無益衆生
若族姓子女受正法華一四句頌分別奉行
爲人解說比其福施萬不如一猶如巨海萬
川皆歸此經如是一切諸法最爲元首猶若
須彌衆山中高如盛月滿星中最明大慧光

明照曜三界爲諸法首無上道王猶如日出普照天下消衆幽冥此經如是蠲除一切愚癡闇蔽皆入道明猶天帝釋忉利天上諸天中王此經如是一切諸法衆經典主攬持十方度脫一切猶梵天王處第七宮制御諸天莫不奉命此經如是普濟衆生學與不學教導三乘行君父業猶如四道及至緣覺皆越一切諸凡夫學正法華經亦復如斯皆超一切上中下乘處衆生之源化諸不逮猶如菩薩所行高遠過諸聲聞緣覺之業覆護三世

此經如是調御諸法悉令成就無上正真猶如世尊三界法王被道服飾三十二相誘衆愚蔽此經如是從菩薩學乃至如來開道聲聞諸緣覺等皆使成就無上正真猶族姓子斯經典者爲三界護度脫衆生危厄之難飽滿飢虛衆情之患寒者溫煖熱者清涼有裸露者皆得衣服開道衆生悉令入道猶如導師將護衆賈菩薩如是養育衆生若如慈母譬如船師度人往返菩薩如是周旋三界度脫一切滅衆闇冥猶如炬火化生老死猶轉

輪王制御四域此經如是以聖道明照曜三
世猶如大明消天下冥此經如是致不退轉
無所從生忍至成佛道佛告宿華王菩薩斯
經典者度脫一切衆苦之患拔斷諸垢三毒
疹疾救濟生死諸縛牢獄若聞此經尋即解
了能書寫者其功德福無能稱計何況聞持
懷抱誦說華香供養雜香澤香然燈幢旛若
有聞持藥王菩薩往古學品受持恩念之其
福過彼衆物供養不可稱載若有女人聞此
經法尋即受持便於此世畢女形壽後得男

子若有女人於五濁世最後末俗聞是經法
能奉行者於是壽終生安養國見無量壽佛
與諸菩薩眷屬圍繞生寶蓮華坐師子座無
姪怒癡除去衆結亦無貪嫉未曾懷恨適生
其國得五神通逮不退轉不起法忍已逮法
忍輒得覩見七十二億兆載江沙諸如來衆
適見諸佛眼根清淨眼根已淨所見一切十
方諸佛遙讚歎之善哉善哉族姓子汝乃值
是能仁佛世聞佛所說正法華經受持諷誦
爲他人說此功德福火不能燒水不能漂盜

賊怨家縣官不侵千佛嗟歎不能究竟暢所獲
功祚不可限量巍巍如是緣斯功德降伏衆
魔棄諸死心敵度生死難周旋諸患又族姓子
以是經法伏衆惡逆爲諸千佛所見建立擁
本九
廿四護汝身天上世間而無倚匹自捨如來未有
聲聞及諸菩薩功德福祐智慧定意無有等

人現在功德遠聞佛已豫歎其人功勲佛告
宿華王吾以是經囑累汝等衆生喜見徃古
法品最後末俗五濁之世流布天下閻浮利
內無能中壞其魔波旬不能得便及魔官屬
邪神鬼魅無能害者天龍羅刹鳩洹魘鬼無
敢當者又宿華王是藥王品威德所立所流
布處若有疾病聞是經法病則消除無有衆
患因是功德後致正真無老病死若有比丘
最後末世手執青蓮滿盛雜香供散法師心
自念言假使有人求菩薩乘至此道場吾授
優鉢華香身稱檀香若聞此經讚歎善者其

斯華以爲草座敷佛樹下降伏衆魔具足法
鼓吹大法螺緣此濟度生死之海若大乘學
見諸比丘持是經卷當觀其人功德如是佛
說是藥王菩薩徃古品時八萬四千菩薩即
逮得曉一切音方便總持於時衆寶如來讚
木七
言善哉善哉宿華王菩薩卿能諮啓不可思
議經典行業如來講說何以快哉

音釋

鶠鶠古音切鶠鳥名笮側伯切
氣虛氣也此云賢牛
也餚虛氣也此云賢牛
陀和護陀蒲撥切
毘陀和護毘蒲撥切

正法華經卷第九

永樂北藏

正法華經

第三六冊

永樂北藏

正法華經

第三六冊